

Saksbehandlar: Einar Ulla, Sekretariat for kontrollutvala
Sak nr.: 16/3175-4

Forvaltningsrevisjon - Læringsmiljø og PP-tenesta - oppfølging av vedtak september 2016

Kontrollsjefen rår kontrollutvalet til å gjere slikt vedtak:

1. Rapport frå fylkesrådmannen datert 1. september 2016 vert teken til vitande
2. Oppfølging av forvaltningsrevisjon Læringsmiljø og PP-tenesta vert vurdert som ferdig.

Vedlegg:

- Notat frå fylkesrådmannen – Oppfølging av vedtak – datert 1. september 2016 m/vedlegg

Andre dokument som ikkje ligg ved:

SAKSFRAMSTILLING

1. Bakgrunn for saka

Kontrollutvalet gjennomførde forvaltningsrevisjon av læringsmiljø og PP-tenesta i 2015. Rapporten vart lagt fram for fylkestinget 13. oktober 2015 i FT-sak 30/15. Fylkestinget vedtok følgjande:

1. Rapport etter gjennomført forvaltningsrevisjon av læringsmiljøet i vidaregåande skule vert teken til etterretning
2. Fylkestinget ber fylkesrådmannen følgje opp revisor sine tiltak i kapittel 7 i rapporten.
3. Fylkestinget ber fylkesrådmannen melde status på oppfølginga, og eventuell plan for vidare oppfølging, til kontrollutvalet innan 31. mars 2016.

Rapporten etter gjennomført forvaltningsrevisjon

Revisor konkluderte i rapporten med at skuleeigar har eit tydeleg fokus i arbeidet med å sikre eit godt læringsmiljø ved skulane. Undersøkinga som vart gjort i samband med prosjektet viste også ei positiv utvikling i PPT sin bistand med det systemretta arbeidet.

Revisor konkluderte også med at det er behov for at fylkeskommunen som skuleeigar må få på plass eit system som sikrar at alle skulane etterlever krava til internkontroll etter opplæringslova § 9a-4.

Revisor presenterte 5 tilrådingar i kapittel 7 i rapporten som fylkestinget ba fylkesrådmannen om å følgje opp:

Sogn og Fjordane fylkeskommune:

1. Etablerer system som sikrar at alle vidaregåande skular i Sogn og Fjordane fylkeskommune driv eit kontinuerleg og systematisk arbeid etter oppl. § 9a-4, og har system og rutinar som oppfyller krav til internkontroll slik desse er presisert i rundskriv Udir-4-2014.
2. Etablerer system for å sikre at beste praksis og gode rutinar knytt til læringsmiljøarbeidet blir delt, og vurdere å i større grad etablere felles rutinar på området.
3. Sikrar at alle vidaregåande skular i Sogn og Fjordane fylkeskommune har skulemiljøutval der representantar for elevane er i fleirtal, jf. oppl. § 11a-5.
4. Vurderer i kva grad og eventuelt korleis elevane i enno større grad kan involverast i læringsmiljøarbeidet ved skulane.
5. Følgjer opp både skulane og PP-tenestene når det gjeld i kva grad og korleis PPT bistår skulane med systemretta arbeid, samt etablerer system for auka grad av erfaringsdeling når det gjeld PPT sitt systemretta arbeid.

Kontrollutvalet v/sekretariatet mottok notat med oppfølging av prosjektet frå fylkesrådmannen 30. mars. Kontrollsjefen gjekk gjennom notatet i lag med Deloitte sin prosjektleiar for forvaltningsrevisjonen og konkluderte med at alle tilrådingane var oppfølgde utanom tilråding nr. 1 der kontrollsjef og revisor gjorde denne vurderinga:

1. Etablering av system som sikrar at alle skulane driv eit kontinuerleg og systematisk arbeid.
 - Fylkesrådmannen peikar i notatet mellom anna på gjennomgang og revisjon av «kvalitets- og rutinehandbok for opplæringssektoren»
 - i. Revisor etterlyser i rapporten system som sikrar kontinuerleg og systematisk arbeid med læringsmiljøet i form av overordna retningslinjer, dokument der krava i opplæringslova kapittel 9a er operasjonalisert, eller malar som til dømes viser korleis skulane kan arbeide for å operasjonalisere desse krava og setje mål for læringsmiljøet. Kontrollsjef og revisor kan ikkje finne dette i kvalitets- og rutinehandboka, slik vi forstår notatet frå fylkesrådmannen. Det er uklart kva om er kome på plass av system som sikrar at skuleeigar har tryggleik for at det systematiske arbeidet med læringsmiljøet er på plass på alle dei vidaregåande skulane.

Kontrollutvalet gjorde slikt vedtak 12. april 2016 i KU-sak 23/16:

1. Notat frå fylkesrådmannen – oppfølging av vedtak, vert teken til vitande
2. Kontrollutvalet ber om tilbakemelding om ny status for oppfølging av tilråding nr. 1 i rapporten frå Deloitte innan 1. september 2016.

2. Vurderingar

Kontrollutvalet v/sekretariatet mottok ny rapport frå fylkesrådmannen 1. september med oppfølging pkt. 2 i vedtaket i KU-sak 23/16.

I notatet med rapport 1. september legg fylkesrådmannen fram «System for arbeidet med elevane sitt psykososiale miljø, der ein mellom anna finn:

- mål for arbeidet med skulemiljøet
- førebyggjande tiltak
- system for avdekking, varsling av og melding om mobbing og krenkande åtferd med sjekklister
- døme på årshjul for arbeidet med elevane sitt skulemiljø
- sjekklister for skuleleiinga og skuleeigar sitt systematiske arbeid med skulemiljøet etter kap. 9a i opplæringslova
- meldeskjema for bekymring for eleven sitt psykososiale miljø

Etter kontrollsjefen si vurdering er tilråding nr. 2 i vedtaket i KU-sak 23/16 og dermed tilråding nr. 1 i forvaltningsrevisjonsrapporten fra Deloitte AS oppfølgt.

3. Konklusjon

Notatet fra fylkesrådmannen 1. september 2016 gjev svar på det kontrollutvalet etterlyste i punkt 2 i vedtaket i KU-sak 23/16. Vedtaket i FT-sak 30/15 vert med det vurdert som ferdig oppfølgt.